

## **Jahresbericht vo de Untergruppe Mamis und Chind 2017**

Üses Vereinsjahr hei mir am 5.April 2017 mitem Kinonamittag gstartet. Mir hei `Findet Dorie` mit 65 Chinder gluegt. Die beliebti Popcornüberraschig het natürlich ou zum Programm ghört.

Die auzyt beliebti Rösslifahrt isch am 23.August uf em Programm gstande. Bi herrlichem Sommerwätter si mir mit 3 voubsetzte Wäge id Waudhütte Härkinge gfahre. Nachem ne feine zvieri und spiele hei mer üs am spätere Namittag wieder ufe Heiwäg gmacht.

S`Kasperlitheater Gwundernäsli isch am 25.Oktober uf Neuendorf cho. Dr Kasperli het vo sim nöie Velo verzeut wo är zum Geburtstag becho het und plötzlich verschwunde gsi isch. Mit sim beste Fründ isch dr Kasperli uf zuechi nach sim Velo gange. Mit dr hiuf vo aune 79 Chinder und 23 Erwachseni het dr Kasperli sis nöie Velo ohni kratzer wider gfunde. Bi Kaffi und Chueche hei mer dä schön Nomittag loh usklinge.

Am 29.November hets Adventsbache im Kochschuelhuus statt gfunde. I zwöi Gruppe ufteilt hei Chinder Grittibänze bachet und Läbchueche verziert. Unter viu gekicher si d Läbchueche mit farbige Streusel, Smartis und Zuckerguss verziert worde. Ou d Grittibänze si ganz kreativ use cho. Nachem feine Zvieri hei mir de Gruppe tuschet. Aui Chinder si zfriede u mit viu freut hei gange.

Üse nächste Alass findet am 30.Mai 2018 im Rahme vo Schwiiz bewegt statt.

Uf em Jahresprogramm 2018 si widerum aui Aläss vo üs mitem ne Smily kennzeichnet. Es hange vor de Aläss ou immer Plakat im Dorf und es wärde im Chindsgi und ir Schuel Flyer verteilt.

Üse Dank geit ou das Jahr a aui Froue wo ihrne Chind ermögliche a üsne Aläss teilznä und üs tatkräftig unterstütze. Danke für Vertroue wo dir üs schänket indäm ihr üchi Chind i üsi Obhuet gäbet.

Mir dörfe neu Corinne Jäggi und Sonja Wiederkehr bir Untergruppe begrüesse herzliche Dank und Willkomme.

Und die bisherige Conny Muzzarelli, Sabine Rütli, Andrea Uebelhard, Katrin Wyss und Barbara Ifrid